

Na osnovu člana 33. stav 2. Zakona o bibliotečkoj djelatnosti ("Službene novine Kantona Sarajevo", broj 4/99), a na prijedlog kantonalne Javne ustanove "Biblioteka grada Sarajeva", ministar kulture i sporta, donosi

## **PRAVILNIK**

### **O UVJETIMA ZA OBAVLJANJE MATIČNIH POSLOVA BIBLIOTEČKE DJELATNOSTI**

#### Član 1.

Ovim pravilnikom propisuju se bliži uvjeti za obavljanje matičnih poslova bibliotečke djelatnosti od strane Biblioteke Kantona Sarajevo (u daljem tekstu: Biblioteka).

#### Član 2.

Uvjeti za obavljanje matičnih poslova bibliotečke djelatnosti iz čl. 31. i 33. Zakona o bibliotečkoj djelatnosti su da Biblioteka raspolaže:

značajnom zbirkom bibliotekarske priručne i stručne literature;

bibliotečkom građom obrađenom prema savremenoj tehnologiji obrade građe i međunarodnim standardima;

razvijenom djelatnošću koja obezbjeđuje uspješno obavljanje matičnih poslova na formiranju centralnih kataloga, zajedničkih baza podataka, usklađivanje nabavke bibliotečke građe i funkcionisanju međubibliotečke pozajmice na matičnom području;

sa dva stručna bibliotečka radnika za obavljanje poslova matične djelatnosti sa visokom stručnom spremom i položenim odgovarajućim stručnim ispitom za obavljanje matičnih poslova bibliotečke djelatnosti;

komunikacijskom, računarskom i drugom tehničkom opremom prema zahtjevima bibliotečko-informacionog sistema Kantona;

odgovarajućim finansijskim sredstvima za obavljanje matičnih poslova bibliotečke djelatnosti.

#### Član 3.

Osnivač Biblioteke obezbjeđuje sredstva za ispunjenje uvjeta iz člana 2. alineje 4. i 6. ovog pravilnika radi otpočinjanja obavljanja matičnih poslova bibliotečke djelatnosti.

#### Član 4.

Matične poslove bibliotečke djelatnosti obavlja kantonalna javna ustanova "Biblioteka grada Sarajeva".

#### Član 5.

Stupanjem na snagu ovog pravilnika na teritoriji Kantona Sarajevo prestaje sa primjenom Pravilnik o uslovima za obavljanje matičnih poslova bibliotečke djelatnosti ("Službeni list RBiH", broj 21/87).

#### Član 6.

Ovaj pravilnik stupa na snagu osmog dana od dana objavljivanja u "Službenim novinama Kantona Sarajevo".

---

Broj 12-01-40-1547/99 4. februara 2000. godine Sarajevo

---

Ministar Esma Hadžagić, s. r.